



KOMUNIKADO PA PRENSA

Fecha

12/9/2019

Kontakto di Komunikashon

Jhanirha Da Costa Gomez

Email

jhanirha.anita@gobiernu.cw

Gobièrnu a yega na solushon duradero pa mantenshon di mata den área públiko.

Willemstad – Minister di Tráfiko, Transporte i Planifikashon Urbano, sra. Zita Jesus-Leito ta anunsiá ku Gobièrnu a yega na un solushon duradero pa loke ta trata mantenshon, den e kaso aki muhamentu, di matanan den área públiko.

E vegetashon, esta nos matanan den área públiko tin un ròl hopi importante pa nos komunidad. E ta soru pa entre otro regulá temperatura, ofresé un habitat na flora i fauna, produsí oksígeno i tambe promové salubridat públiko tantu físiko komo mental.

Sinembargo por a tuma nota ku nos matanan den área públiko pa último tèmpo no tabata risibí e mantenshon di kustumber. Banda di esaki e temperatura ku nos isla a konosé durante e último simannan tabata hopi funesto pa sobrebibensia di e matanan aki. Gobièrnu a kai atras ku muhamentu di mata pa motibu di introdukshon di prosesonan finansiero nobo, kual a trese tardansa pa por duna enkargo na esnan konserní pa ehersé e tarea di mantenshon di e matanan.

Minister Jesus-Leito a traha inkansablemente pa logra un solushon pa ku e situashon aki. E solushon ta enserá ku esnan konserní ta risibí enkargo di Gobièrnu pa durante un periodo definí por ehèmpel 1 aña pa mantené e matanan. Antes esaki tabata sosodé mensualmente. Di e forma aki por sigurá ku mantenshon di e matanan ta tuma lugá riba un base regular i duradero. Ya kaba por nota ku na diferente área tin kompanianan ta ehersiendo e trabounan di mantenshon nesesario na e matanan den área públiko.

Minister Jesus-Leito ta satisfecho ku Gobièrnu a yega na e solushon aki i ta hasi un apelasjon na komunidad pa huntu nos ban kuida tur loke ta forma parti di nos áreanan públiko.